



Broj: Ku-186/17
Brčko, 31.07.2017. godine

Na osnovu člana 22. stav 3. Zakona o Kancelariji za pravnu pomoć Brčko distrikta BiH («Službeni glasnik Brčko distrikta BiH» broj 19/07) i člana 21a Zakona o zaštiti ličnih podataka u Bosni i Hercegovini, ("Službeni glasnik Bosne i Hercegovine" broj 49/06, 76/11 i 89/11), direktor Kancelarije za pravnu pomoć Brčko distrikta BiH, donosi

ODLUKU

o vršenju video nadzora

Član 1 (Predmet)

Ovom Odlukom utvrđuju se uslovi i način vršenja video nadzora prostorija Kancelarije za pravnu pomoć Brčko distrikta BiH (u daljem tekstu: Kancelarija).

Član 2 (Svrha)

Video nadzor pristupa službenim prostorijama Kancelarije, vrši se radi bezbjednosti lica i imovine.

Član 3 (Video nadzor)

- (1) Video nadzor iz člana 1 ove Odluke vrši se nad prostorom hola Kancelarije.
- (2) Video nadzor nije dozvoljen u kancelarijama, kuhinji, niti sanitarnim prostorijama.
- (3) Video nadzor će se vršiti sa dvije kamere, koje će biti postavljene na adekvatna mjesta, na osnovu organizacijskih i bezbjednosnih potreba, te tehničkih mogućnosti.

Član 4 (Obrada ličnih podataka putem video nadzora)

- (1) O video nadzoru iz člana 3 stav (1) ove odluke vodi se zbirka ličnih podataka.

(2) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.

(3) Lični podaci iz zbirke ličnih podataka iz stava (1) ovog člana čuvaju se najduže trideset (30) dana od dana nastanka.

(4) Uvid u zbirku ličnih podataka, iz stava (1) ovog člana, može se dozvoliti Tužiocu i ovlaštenom službenom licu Policije Brčko distrikta BiH.

(5) Snimci sa video nadzora se mogu izdavati i drugim licima u skladu sa zakonima koji se primjenjuju u Brčko distriktu BiH.

(6) Za uvid i dobijanje ličnih podataka iz zbirke ličnih podataka lica iz stavova (4) i (5) ovog člana dužna su podnijeti pismeni zahtjev direktoru Kancelarije.

(7) Direktor Kancelarije, ili lice koje on ovlasti, donosi rješenje o usvajanju ili odbijanju zahtjeva za uvid i dobijanje ličnih podataka.

Član 5 (Obavještenje o video nadzoru)

(1) O vršenju video nadzora istaći će se obavještenje na vidnom mjestu na način kojim se obavještavaju lica da se vrši video nadzor nad holom Kancelarije.

(2) Obavještenje iz stava (1) ovog člana sadrži grafički simbol video nadzora i natpis „PROSTOR POD VIDEO NADZOROM“, ispisan latiničnim i ćiriličnim pismom. Obavještenje takođe sadrži podatke o kontroloru video nadzora i broju telefona i adresi gdje se mogu dobiti informacije o pojedinostima o video nadzoru

(3) Isticanjem obavještenja iz stava (1) ovog člana smatra se su lica obaviještena o obradi ličnih podataka putem video nadzora.

Član 6 (Zabrana pristupa)

Video nadzor koji se vrši nad prostorijama Kancelarije mora biti zaštićen od pristupa neovlaštenih lica.

Član 7 (Odgovorno lice)

Odgovorno lice za rukovođenje sistemom video nadzora je direktor Kancelarije.

Član 8
(Stupanje na snagu)

Ova Odluka stupa na snagu danom donošenja i biće objavljena na oglasnoj tabli i web stranici Kancelarije.

Član 9
(Prestanak važenja odluke)

Danom stupanja na snagu ove Odluke prestaje da važi Odluka o vršenju video nadzora broj: Ku-31/17 od 13.02.2017. godine.

**Direktor,
Kancelarije za pravnu pomoć
Brčko distrikta BiH**

Safet Pizović

Dostaviti:

- 1.Oglasna ploča i web stranica Kancelarije;
- 2.U Ku spis.